

KOMMISJONSVEDTAK

2008/EØS/14/14

av 5. april 2004

om endring av vedlegg I og II til vedtak 2003/634/EF om godkjenning av programma med sikte på å gje soner og oppdrettsanlegg i soner som ikkje er godkjende, status som godkjende med omsyn til fiskesjukdommane hemoragisk virusseptikemi (VHS) og infeksøs hematopoietisk nekrose (IHN)(*)

[meldt under nummeret K(2004) 1257]

(2004/328/EF)

KOMMISJONEN FOR DEI EUROPEISKE FELLESSKAPA HAR —

med tilvising til traktaten om skipinga av Det europeiske fellesskapet,

med tilvising til rådsdirektiv 91/67/EØF av 28. januar 1991 om krav til dyrehelse ved omsetning av akvakulturdyr og akvakulturprodukter⁽¹⁾, særleg artikkel 10 nr. 2, og

ut frå desse synsmåtane:

- 1) Ved kommisjonsvedtak 2003/634/EF⁽²⁾ vart dei programma som ulike medlemsstatar har lagt fram, godkjende og førde opp i ei liste. Programma er utarbeidde for at medlemsstatane seinare kan innleie framgangsmåtane for at ei sone eller eit oppdrettsanlegg i ei sone som ikkje er godkjend, skal få status som godkjend sone eller godkjent oppdrettsanlegg med omsyn til fiskesjukdommane hemoragisk virusseptikemi (VHS) og/eller infeksøs hematopoietisk nekrose (IHN).
- 2) Italia har ved brev av 23. desember 2003 søkt om godkjenning av det programmet som skal nyttast i sona Valle del torrente Venina. Den framlagde søknaden er funnen å vere i samsvar med føresegnene i artikkel 10 i direktiv 91/67/EØF, og bør difor godkjennast. På tidspunktet for søknaden var dei første prøvene tekne i mai 2003. Programmet bør difor gjelde minst fram til juni 2005.
- 3) Italia har ved brev av 21. desember 2003 søkt om godkjenning av det programmet som skal nyttast av oppdrettsanlegget Bassan Antonio. Den framlagde søknaden er funnen å vere i samsvar med føresegnene i artikkel 10 i direktiv 91/67/EØF, og bør difor godkjennast. Sona har ikkje vore overvaka i 2002. Programmet bør difor gjelde fram til utgangen av 2004, med minst to prøvetakingar kvart år.

4) Programmet som skal nyttast i den autonome provinsen Rioja, er avslutta, og dette området er teke inn i kommisjonsvedtak 2002/308/EF⁽³⁾.

5) Vedtak 2003/634/EF bør difor endrast.

6) Dei tiltaka som er fastsette i dette vedtaket, er i samsvar med fråsegna frå Det faste utvalet for næringsmiddelkjeda og dyrehelsa —

GJORT DETTE VEDTAKET:

Artikkel 1

I vedtak 2003/634/EF vert det gjort følgjande endringar:

1. Vedlegg I vert bytt ut med teksta i vedlegg I til dette vedtaket.
2. Vedlegg II vert bytt ut med teksta i vedlegg II til dette vedtaket.

Artikkel 2

Dette vedtaket er retta til medlemsstatane.

Utfërda i Brussel, 5. april 2004.

For Kommisjonen

David BYRNE

Medlem av Kommisjonen

(*) Denne fellesskapsrettsakten, kunngjort i EUT L 104 av 8.4.2004, s. 129, er omhandlet i EØS-komiteens beslutning nr. 27/2005 av 11. mars 2005 om endring av EØS-avtalens vedlegg I (Veterinære og plantesanitære forhold), se EØS-tillegget til Den europeiske unions tidende nr. 38 av 28.7.2005, s. 6

⁽¹⁾ TEU L 46 av 19.2.1991, s. 1. Direktivet sist endra ved forordning (EF) nr. 806/2003 (TEU L 122 av 16.5.2003, s. 1).

⁽²⁾ TEU L 220 av 3.9.2003, s. 8. Vedtaket endra ved vedtak 2003/904/EF (TEU L 340 av 24.12.2003, s. 69).

⁽³⁾ TEF L 106 av 23.4.2002, s. 28. Vedtaket sist endra ved vedtak 2003/839/EF (TEU L 319 av 4.12.2003, s. 21).

VEDLEGG I

«VEDLEGG I

PROGRAM SOM ER LAGDE FRAM FOR Å GJE SONER STATUS SOM GODKJENDE MED OMSYN TIL FISKESJUKDOMMENE VHS OG IHN1. *DANMARK*

DEI PROGRAMMA SOM VART LAGDE FRAM AV DANMARK 22. MAI 1995, OMFATTAR:

- nedbørfeltet FISKEBÆK Å,
- alle DELAR AV JYLLAND sør og vest for nedbørfelta til Storåen, Karup Å, Gudenåen og Grejs Å,
- alle DANSKE ØYAR.

2. *TYSKLAND*

DET PROGRAMMET SOM VART LAGT FRAM AV TYSKLAND 25. FEBRUAR 1999, OMFATTAR:

- ei sone i nedbørfeltet til «OBERN NAGOLD»,

3. *SPANIA*4. *FRANKRIKE*5. *ITALIA*

5.1. DET PROGRAMMET SOM VART LAGT FRAM AV ITALIA FOR DEN AUTONOME PROVINSEN BOLZANO 6. OKTOBER 2001, ENDRA VED BREV AV 27. MARS 2003, OMFATTAR:

Provinsen Bolzano

- Sona omfattar alle nedbørfelt i provinsen Bolzano.

Sona omfattar den øvre delen av ZONA VAL DELL'ADIGE, dvs. nedbørfelta til elva Adige, frå kjelda i provinsen Bolzano fram til grensa mot provinsen Trento.

(NB: Den nedre delen av ZONA VAL DELL'ADIGE er omfatta av det godkjende programmet til den autonome provinsen Trento. Dei øvre og nedre delane av denne sona skal reknast som éi epidemiologisk eining.)

5.2. DEI PROGRAMMA SOM VART LAGDE FRAM AV ITALIA FOR DEN AUTONOME PROVINSEN TRENTO 23. DESEMBER 1996 OG 14. JULI 1997, OMFATTAR:

Zona Val di Sole e di Non

- Nedbørfeltet frå kjelda til elva Noce fram til demninga S. Giustina.

Zona Val dell'Adige — den nedre delen

- Nedbørfeltet til elva Adige og kjeldene hennar innanfor territoriet til den autonome provinsen Trento, frå grensa mot provinsen Bolzano fram til demninga Ala (vasskraftverk).

(NB: Den øvre delen av ZONA VAL DELL'ADIGE er omfatta av det godkjende programmet til den autonome provinsen Bolzano. Dei øvre og nedre delane av denne sona skal reknast som éi epidemiologisk eining.)

Zona Torrente Arnò

- Nedbørfeltet til fjellelva Arnò, frå kjelda fram til demninga nedstrøms før staden der fjellelva Arnò og elva Sarca møtest.

Zona Val Banale

- Nedbørfeltet til elva Ambies, fram til demninga ved eit vasskraftverk.

Zona Varone

- Nedbørfeltet frå kjelda til elva Magnone fram til fossen.

Zona Alto e Basso Chiese

- Nedbørfeltet til elva Chiese, frå kjelda fram til demninga Condino, bortsett frå bassenga til fjellelvane Adanà og Palvico.

Zona Torrente Palvico

- Nedbørfeltet til fjellelva Palvico, fram til ei demning av betong og stein.

- 5.3. DET PROGRAMMET SOM VART LAGT FRAM AV ITALIA FOR REGIONEN VENETO 21. FEBRUAR 2001, OMFATTAR:

Zona Torrente Astico

- Nedbørfeltet til elva Astico, frå kjelda (i den autonome provinsen Trento og i provinsen Vicenza, regionen Veneto) fram til demninga i nærleiken av Pedescala bru i provinsen Vicenza.

Den nedre delen av elva Astico, mellom demninga i nærleiken av Pedescala bru og demninga Pria Maglio, vert rekna som ei buffersone.

- 5.4. DET PROGRAMMET SOM VART LAGT FRAM AV ITALIA FOR REGIONEN UMBRIA 20. FEBRUAR 2002, OMFATTAR:

Zona Fosso de Monterivoso: nedbørfeltet til elva Monterivoso, frå kjeldene fram til dei uoverstigelege demningane nær Ferentillo.

- 5.5. DET PROGRAMMET SOM VART LAGT FRAM AV ITALIA FOR REGIONEN LOMBARDIA 1. FEBRUAR 2002, OMFATTAR:

Zona Val Brembana: nedbørfeltet til elva Brembo, frå kjeldene fram til den uoverstigelege demninga i kommunen Ponte S. Pietro.

- 5.6. DET PROGRAMMET SOM VART LAGT FRAM AV ITALIA FOR REGIONEN LOMBARDIA 23. DESEMBER 2003, OMFATTAR:

Zona Valle de Torrente Venina: nedbørfeltet til elva Venina, frå kjeldene og dei følgjande grensene:

- vest: Livrio-dalen,
- sør: Orobie-alpane, frå Publino Pass til Pizzo Redorta,
- aust: Armisa- og Armisola-dalen.

6. *FINLAND*

- 6.1. DET PROGRAMMET SOM VART LAGT FRAM AV FINLAND 29. MAI 1995, OMFATTAR:

- alle fastlands- og kystområde i FINLAND, bortsett frå:
- provinsen Åland,
- det området i Pyhtää som er underlagt restriksjonar,
- det området i kommunane Uusikaupunki, Pyhäranta og Rauma som er underlagt restriksjonar.

- 6.2. DET PROGRAMMET SOM INNEHELD SÆRLEGE TILTAK FOR UTRYDDING, OG SOM VART LAGT FRAM AV FINLAND 29. MAI 1995, ENDRA VED BREV AV 27. MARS 2002, 4. JUNI 2002, 12. MARS 2003, 12. JUNI 2003 OG 20. OKTOBER 2003, OMFATTAR:

- heile PROVINSEN ÅLAND,
 - det området i PYHTÄÄ som er underlagt restriksjonar,
 - det området i kommunane Uusikaupunki, Pyhäranta og Rauma som er underlagt restriksjonar.»
-

VEDLEGG II«*VEDLEGG II*»**PROGRAM SOM ER LAGDE FRAM FOR Å GJE OPPDRETTSANLEGG I SONER SOM IKKJE ER GODKJENDE, STATUS SOM GODKJENDE OPPDRETTSANLEGG MED OMSYN TIL FISKESJUKDOMMANE VHS OG IHN**1. *ITALIA*

- 1.1. DET PROGRAMMET SOM VART LAGT FRAM AV ITALIA FOR REGIONEN FRIULI VENEZIA GIULIA, PROVINSEN UDINE, 2. MAI 2000, OMFATTAR:

Oppdrettsanlegg i nedbørfeltet til elva Tagliamento:

- Azienda Vidotti Giulio s.n.c., Sutrio

- 1.2. DET PROGRAMMET SOM VART LAGT FRAM AV ITALIA FOR REGIONEN VENETO 5. APRIL 2002, OMFATTAR:

Oppdrettsanlegg i nedbørfeltet til elva Sile:

- Azienda Trolicoltura S. Cristina, Via Chiese Vecchio 14 — Loc. S. Cristina di Quinto

- 1.3. DET PROGRAMMET SOM VART LAGT FRAM AV ITALIA FOR REGIONEN VENETO 21. DESEMBER 2003, OMFATTAR:

Oppdrettsanlegget:

- Azienda agricola Bassan Antonio

- 1.4. DET PROGRAMMET SOM VART LAGT FRAM AV ITALIA FOR REGIONEN VENETO 5. SEPTEMBER 2002, OMFATTAR:

Oppdrettsanlegget:

- Incubatoio ittico di valle — Loc Cascina Prella — Traversella (TO)»
-